

豫章叢書

第一六冊

天

章

焚

書

卷之三

元二大
家集



達源

笑古近塵
書館校刻

元二大家集總目

范德機詩集七卷

据汲古閣本付刊用元至元本覆校

揭文安集十八卷

据八千卷樓舊鈔本付刊用明隆慶本詩集天順
本文粹覆校

本天麻散

治入平陰...此散...

又文...

...

...

...

范德機詩集

庚申五月刊

於南昌退廬

欽定四庫全書總目卷一百六十七

集部

別集類

范德機詩七卷

山東巡撫
探進本

元范梈撰梈字亨父一字德機清江人以薦爲

左衛教授遷翰林院編修官出爲嶺海廉訪使

照磨歷轉江西湖東後選充翰林應奉又改閩

海道知事移疾歸天歷三年授湖南嶺北道廉

訪使經歷以母老未赴明年母喪竟以毀卒所

著有燕然橐東方橐豫章橐侯官橐江夏橐百

丈橐凡十二卷此本七卷不知何人所併葉子

奇草木子載梈有與危素同晚步得雨止修竹

開案諸本多譌闕爲流螢夜深至二句喜甚既

開今據原本改正

而曰語太幽殆類鬼作云云卽今集中蒼山感
秋詩也其語清微妙遠爲詩家所稱然停詩豪
宕清道兼擅諸勝實不專此一格閩書又載其
爲閩海道知事時以文繡局取良家子爲繡工
作閩州歌述其事廉訪使遂奏革其聲歌今亦
載集中然其事可記其詩則語頗近俗與沈作
喆哀扇工歌僅相伯仲尤不當以是槩待也揭
傒斯序其集曰虞伯生稱德機如唐臨晉帖終
未逼真改評之曰范德機詩如秋空行雲晴雷

卷雨縱橫變化出入無朕又如空山道者辟穀
學仙瘦骨峻嶒神氣自若又如豪鷹掠野獨鶴
叫羣四顧無人一碧萬里云云侯斯之語雖務
反虞集之評未免形容過當然楞詩格實高其
機杼亦多自運未嘗規規刻畫古人固未可以
唐臨晉帖一語據爲定論矣

范德機總目

范先生者臨江之新喻人也少家貧力學有文章工詩尤好爲歌行年三十餘辭家北遊賣卜燕市見者皆驚異之相語曰此非賣卜人也已而爲董中丞所知召置館下命諸子弟皆受學焉由是名動京師遂薦爲左衛教授遷翰林國史院編修官與浦城楊載仲弘蜀郡虞集伯生齊名而余亦與之遊伯生嘗評之曰楊仲弘詩如百戰健兒范德機詩如唐臨晉帖以余爲三日新婦而自比漢庭老吏也聞者皆大笑余獨謂范德機詩海內無雙若比唐臨晉帖終未逼真今故改評之曰范德機詩如秋空行雲晴雷卷雨

縱橫變化出入無朕又如空山道者辟穀學僊瘦骨
峻嶒神氣自若又如豪鷹掠野獨鶴叫羣四顧無人
一碧萬里差可彷彿耳晚尤工篆隸吳興趙文敏公
曰范德機漢隸我固當避之若其楷法人亦罕及其
居官廉直門不受私謁歷佐海北江西閩海三憲府
三棄官養母天下稱之嘗一拜應奉翰林文字而有
閩海之命不果行至順元年年五十九卒其詩道之
傳廬陵楊中得其骨郡人傅若金得其神皆有盛名
其平生交友之善終始不變者郡人熊勣也楊中將
刻其詩命其子繼文請序爲書其始末如此嗚呼若

德機者可謂千載士矣楊中字伯允傳若金字與礪
熊翰字敬輿詩凡若干卷後至元六年正月五日集
賢直學士朝列大夫富州揭傒斯序

范德機詩集序

范德機詩集目錄

卷之一

送張鍊師歸武當山

奉同元學士以落月滿屋梁猶疑照顏色爲韻

賦贈鄧提舉之官江浙

一首

寄謝周文學

贈馮鍊師歸岳陽

贈李學正洙扶輿歸真定

次韻古體二首

相胡掾